

Badische Landesbibliothek Karlsruhe

Digitale Sammlung der Badischen Landesbibliothek Karlsruhe


Der Nibelunge Lied

Leyser, Hermann

Leipzig, 1840

I. Aventure

[urn:nbn:de:bsz:31-162679](https://nbn-resolving.org/urn:nbn:de:bsz:31-162679)



Die Chriemhild träumte

Von den Nibelungen.

I. Auentiure.

Uns ist in alten mären, wunders vil geseit,
von heleden lobebären, von grozer arebeit,
von freude vnt hochgeciten, von weinen vnt klagen,
von koner recken striten, muget ir nu wnder horen sagen.

Ez wls in Gvregonden. ein vil edel magedin.
das in allen landen. niht schoners mohte sin.
Chriemhilt geheizen. diu wart ein schone wip.
dar umbe wvsin degene. vil verliefen den lip.

Ir pflagen dri kunige. edel vnt rich.
Gunther vnt Gernot. die rechen lobelich.
vnt Gifelher der iunge. ein wetlicher degene.
diu frowe was ir swester. die helde hetens inir pflegen.

Ein richiv chuniginne. frow Ute ir moter hiez.
ir vater der hiez Danerat. der in diu erbe liez.
sit nach sine lebene. ein ellens richer man.
der ovch insiner iugende. grozer eren vil gewan.

Die herren waren milte. von arde hoh erborn.
mit kraft vnmazen chvone. die rechen vzerchorn.
da zen Gvrgonden. so was ir lant genant.
si fromten starchiv wnder. sit in Etzelen lant.

Ze Wormze bi dem Rine. si wonten mit ir chraft.
in dienten von ir landen. vil stolziv ritterschaft.
mit lobelichen eren. vn; an ir endes zit.
si starben iämerliche. sit von ;weier frowen nit.

Di dri kunige waren. als ich gesaget han.
von vil hohem ellen. in waren vndertan.
ovch die besten rechen. von den man hat gesaget.
starch vnt vil chvone. inscharpfen striten vnderzaget.

Das was von Tronege Hagene. vnt ovch der bruder sin.
Danewart der snelle. von Metzzen Ortwin.
die ;wene marcgraven. Gere vnt Ekkewart.
Volker von Alzene. mit ganzem ellen wol bewart.

Ruomolt der chochen meister. ein v; erwelter degen.
Sindolt vnt Honolt. dise herren mofin pflegen.
des hoves vnt der eren. der drier kunige man.
fi heten noch manigen rechen. des ich genemmen niemen kan.

Danchwart der was marschalch. do was der nefe sin.
Erhsetze des kuniges. von Mezen Ortwin.
Sindolt der was schenche. ein wetlicher degen.
Honolt was chameräre. fi chunden hoher eren pflegen.

Von des hofes ere. vnt von ir witen chraft.
von ir vil hohen werdekeit. vnt von ir ritterschaft.
der die herren pflagen. mit freuden al ir leben.
des enchunde iv ze ware. niemen gar ein ende geben.

In disen hohen eren. tromte Chriemilde.
wie si zoge einen valchen. starch schon vnt wilde.
den ir zwene arm erchrommen. das si das moeste sehen.
ir enkunde indirre werlde. leider nimmer geschehen.

Den trovm si do sagete. ir mwoter Voten.
sine chundes niht beschaiden. baz der guten.
der valche den dv ziwhest. das ist ein edel man.
in welle got behoten. dv moest in schier vloren han.

Waz saget ir mir von manne. vil liebiv moter min.
anc rechen minne. so wil ich immer sin.
suf schon ich wil beliben. vnz an minen tot.
das ich von rechen minne. sol gewinnen nimmer not.

None versprich es niht zefere. sprach ir mwoter do.
solto immer herenliche. zerwerlde werden vro.
das chvmt von mannes minne. dv wirst ein schone wip.
ob dir got gesuget. eins rehte goten ritters lip.

